



# **Universitätsbibliothek Paderborn**

## **Dissertationes De Actibus Humanis**

**Karchne, Simon**

**Augustæ Vindelicorum & Græcensis, 1716**

§. XXII. An, & quando culpa familiæ non jejunantis imputabilis sit patrifamilias. ubi incidenter de excusatis à jejunio, & an sexagenarij liberi sint à voto ejus olim emisso.

**urn:nbn:de:hbz:466:1-39981**



## §. XXII.

*An ḡ quando culpa familiæ non jejunantis imputabilis sit  
Patrifamilias. Ubi incidenter de excusatis à jejunio, & an  
sexagenarij libris sint à voto jejunandi olim emisso?*

177. **R**esolvitur ex præcedente doctrina illa quæstio, an die jejuniū pater, aut materfamilias debeat competentem pro una refectione mensam instruere, ut possint jejunare famuli, ac officiales ad jejunium compellere, vel verò cænam apponere violaturis jejunium. Respondeo primò familiam occupatam gravibus laboribus, potiore dici parte excusari à jejunio, atque adeò his possunt apponi cibi soliti dari diebus non jejuniū. Ejusmodi labor est fabrilis, ferrarius, lignarius, murarius, fossorius, agricultorius, lapicidarius, bajulatorius onerum gravium, pistorius, textorius (nisi textura sit non defatigans, qualis est textura vittarum) fullonarius quoad vacantes lavandis telis, & pannis, argentarius quoad eos, qui malleo argentum, aut aurum extenuant; navigatorius quo ad remigantes, librarius quoad versantes prælum (secùs quoad componentes in ordinem Charakteres) Coriarius, Sutorius quoad suentes, nisi corium tam molle, ut instar panni consuatur, tunc enim æquiparantur sartoribus per se non excusatis.

Denique universim excusantur omnes reliqui artifices, seu opifices hic non nominati, quorum ars mechanica est la-

boriosa, uti & prægnantes, ac lactantes, iter pedestre die totā, aut potiore parte agentes, ex his actionibus plerasque recenset Layman. lib. 4. tratt. 8. cap. 1. & num. 3. Less. lib. 4 cap. 2. num. 41. excusans ferè omnes mechanicos, Basilius verbo *jejunium II. num. 7. à vers. 11. laborem.* plerosque præfatos expriment. Ratio horum omnium est, quod omnes ejusmodi egeant copiosis spiritibus, quorum iactura, nisi reparetur, imminent corpori notabilis debilitas.

Et quia corpus in media senectute (qualis est juxta medicos sexagenariorum) uti repletione, ita inediâ facile læditur, & præcipitatur, & ideo præsumuntur non posse, nisi de contrario constet, præsertim cum experimentum sit periculosum, Less. num. 41. cum Cajet. Sanchez lib. 7 de Matr. D. 32 num. 17. ubi etiam fusissimè disputat, an feminæ emantur anno ætatis 50. & tandem concludit in praxi quoad hoc punctum sententiam affirmantem non esse tutam. Idem censet Laym. num. 2. addens se necesse illum classicum Doctorem ejus defensorem &c.

Respondeo secundò familiæ non excusatae à jejunio teneri Patres, matrésque familias die jejuniū cibos jejunio obseruantur do-

do congruentes apponere, Sanch. lib. 5. Consil. c. 1. dub. 17. num. 3. probatur ex 2. ad Timotb. 5. Si quis suorum, & maxime domesticorum curam non habet, fidem negavit, & est infideli deterior. Ex quo patet, quod debeant familiam monere sua obligationis, qua monitio ne sit frustranea tenentur cibos proponere tempori congruos.

178. Dixi monere, quia an compellere possint ad jejunandū est incertius. Affirmant Sporer in Append. ad 3. precept. Decal. Sec. 3. num. 45. ex communi, eamque tradidit post Sot. Bonac. tom. 2. D. 6. p. ult. num. 2. Ratio hujus videtur fundari in communi sententia, ac jure concedente Patrisfamilias potestatem coērcendi, ac puniendi leviter, seu moderatè domesticos L. unic. c. de emendat. servor &c. S.Th. 2. 2. q. 65. art. 2. in fin. Corp. astérens licitam esse verberationem servorum correctionis, ac disciplinæ causā, Laym. lib. 5. tract. 10. p. 3. c. 2. num. 7. familia domiū, inquit, est cōmmunitas imperfecta, ergo sicut qui præst̄ perfectæ cōmmunitati e. g. urbi, aut Reipublice, habet perfectam coērcendi, inscrendique graves pœnas potestatem, ita Paterfamilias caput domiū velut cōmmunitatis imperfectæ habet potestatem hanc coērcendi, ac imponendi pœnas leves, ut est subtractio cibi, verberatio aliqua spectata personæ qualitate: sunt enim quædam personæ domesticæ, quas ob statū libertatem non est consuetum verberare, ut mechanicos laborantes pro mercede Magistri non posunt verberare. Laym. num. 9.

Sanch. lib. 5. Consil. c. 1. dub. 17. num. 3. distinguit negans de famulitio-

defectu jurisdictionis spiritualis, seu facultatis coērcitivæ: si ergo monitio non prodest, potest, imd̄ debet ijs dare cœnam, licet sciat non jejunaturos (nisi sciat semel aut iterum eam negando probabiliter famulos se emendaturos) quia actio hæc est indifferens, & spectat ad officium Domini liberaliter alere famulos. Ita ille è contra affirmat quoad proles, quia Paulus ad Ephes. 6. obligat patrem ad filios educandos in disciplina, & correptione Domini. Tamb: lib. 4. decal. c 5. §. 6. num. 2. negat etiam proles à parte familiæ compelli posse ad jejunium, quia videtur actus jurisdictionis spiritualis.

Respondeo in hac diversitate opinionum mihi videtur dicendum posse compelli, quia viro coērcendi non solum proles, & uxorem sed etiam familiam paſſim concedunt Doctores nullo contradicente apud Laym. cit. num. 7. sed subtractio secunda refectionis requisitæ ad jejunium: cīque substituendi vespertinam Collaciunculam non excedit potestatem coērcendi, hæc enim non est gravis, eamque concedit Laym. ergo Paterfamilias potest subtrahere secundam Refectionem, quā subtractâ sequatur substantia jejunij.

Nec hæc subtractio est actus jurisdictionis spiritualis. Unde etsi jejunium ut est actus jurisdictionis spiritualis sive impositum in foro interno à confessario, sive in foro externo Ecclesiastico imponi non possit ab ulla potestate laicia, prout tamen est actus virtutis moralis temperantiae potest imponi à potestate laicia, consequenter etiam à Patrefamilias. Hinc censeo probabilius per se loquendo patremfamilias non posse die jejunij, si in

R. 2 pran-

prandio data fuit refectio congrua, seu accommodata jejunio, cœnam apponere familiar, quia appositio est actio coöperativa nimis propinquā, sīc qua uti supponitur probabiliter cœna omittetur, ita Laym. lib. 2. tract. 3. cap. 13. num. 5. vers. *Quarto resolves.* si petas quales cibū requirantur, ut censeatur prandium jejunio congruum. Respondeo requiri magis nutritivos, quām sunt fructus, & olera, unde habens panem sufficientem cum p̄fatis non tenetur jejunate, ita Bassæus verbo *jejunium* II. num. 6. vers. *sed petes.* citans cit. Sanch. dub. 15 Addit. vers. *Sed dubium.* quod habens solum panem probabiliter vesci possit carnibus, quod alij concedunt si per plures dies careret alijs cibis.

179. Breviter insinuavi sub finem num. 187. Sexagenarios excusari à jejunio, & quidem probabilius etiam robustos cit. ibi Sanch. contra. Cajet. Less. lib. 4. cap. 2. nu. 41. nam ad vitandos scrupulos expedit generatim esse definitam legis jejunandi obligationem, ut sciat, qui eximantur, sicut definita est in juvenibus, antequam non obligentur, nempe usque ad 21. annum ætatis (est multi ante hanc vires habeant ad jejunandum) quia hucusque natura accrescens eget nutritione majori, sed etiam potiores ab anno sexagesimo deficiunt viribus, ergo expedit hanc ætatem esse definitum pro deobligatione.

Hinc incidenter dubitatum an voto perpetuo adstricctus jejunare, post annum 60. maneat ab eo liber, et si sit robustus, nisi expresserit, quod velit jejunare, quamdiu poterit.

Affirmat Sanch. lib. 4. Decal. cap. 11. num. 54 ex regula ab eo data num. 31. quod voti obligatio nisi constet de opposita intentione voventis sit intelligenda perinde, ac si esset de eadem re lex ab Ecclesiâ lata, votum enim est quædam lex, quam votens sibi imponit, ergo cum probabiliter esset obligatio Ecclesiastici jejunij anno sexagesimo etiam in robustis, cessabat quoque voti perpetuò jejunandi. Idem docet Tamb. lib. 4. Decal. cap. 5. § 7. num. 9. cum Fagundez &c. Laym. lib. 4. tract. 8. cap. 3. num. 2. rejicit hanc opinionem ut improbabilem assertens votum jejunij obligare quidem instar præcepti Ecclesiastici quoad formam, & modum jejunandi, non item quod attinet ad personas, sic et si adolescentes deobligentur à præcepto Ecclesiastico, possunt tamen voluntariè sibi hanc obligationem imponere per votum editum, ut sit in Ordine Fratrum Minorum S. Francisci, in quo obligantur ad jejunia Regulæ, ergo similiter sexagenarij robusti, et si deobligatos supponamus à lege Ecclesiastica jejunandi non tamen à voto jejunandi in perpetuum emiso. Laymanum sequitur Sporer in Append. ad 3. præcept Decal. Sec. 4. num 51. Sed contra est: hic author eodem loco, & Bassæus verbo *Jejunium* II. num. 6. vers. *Petes, an Religiosi,* probabiliter cum alijs deobligant suos religiosos sexagenarios à jejunis Regulæ, ergo etiam deobligantur voventes jejunium perpetuum facti sexagenarij, nisi intentio opposita constet. Video dispartitatem, quod uterque citatus Author testetur jejunium Regulæ suæ non tam voto promitti, quām præcepto Regulæ imponi, & ideo regulanda esse secundum natu-

naturam præcepti Ecclesiastici. Insto et si jejuna Regulæ non sint immediata materia voti, sunt tamen mediata, quatenus immediata materia voti obedientia est Regula continens præcepta, ergo si hæc mediata obligatio voti cœllet in Religiosis sexagenarijs, cessabit etiam in casu nostro, licet jejunium sit materia immediata voti.

Respondeo omnino suadendum esse opinionem Laymanni, non tamen video improbabilitatem sententiae Sanchetii, quod Laym. neget votum jejunandi quoad personas instar præcepti Ecclesiastici strin-

gere ducto argumento à Juvenibus Ordinis S. Francisci, quorum votum spectando personas non obligat instar Ecclesiastici, sed duntaxat quoad formam, & modum jejunandi, non convincit improbabilitatem sententiae Sanchez, siquidem tam Bassæus quam Sporer ambo Ordinis S. Francisci probabiliter eximunt suos sexagenarios, proinde interpretantur obligationem suorum senum instar præcepti Ecclesiastici non solùm quoad modum jejunandi sed etiam quoad personas.

\* \*

### §. XXIII. De ornatu Mulierum.

180. Quæres, an fœmina peccet mortaliiter peccato scandali in causa, dum cultu externo ornata se exhibet videndam sciens alios tali ornatu ad amores illicitos commoveri. Nominé ornatus intelligo cum Tamb. lib. 7. decal. cap. 8. §. 8. num. 1. Less. lib. 4. cap. 4. dub. 14. num. 105. omnem cultum muliebrem, ut pigmenta, comam appositiā, intortos capillos, pectoris nuditatem, ornamenta aurea, gemmata, novas vestium formas, præsertim si his utantur præter consuetudinem, aut supra statum.

Respondeo primò certum esse ijs licitum esse ornatum pro statu conditione hoc enim laudabile, Less. num. 107. Respondeo secundò etiam certum esse

maritalis, vel aspirantibus ad matrimonium licere se ornare pro decentia statu, ut viris placeant suis, aut ut virorum aspectibus arrideant ad commidas nuptias consequendas, Less. num. 108. ex S. Th. 2. 2. quest. 169. art. 2. ad 4. dicente: *mulieres licet posse se ornare, ut conservent decentiam sui statu*, *vel etiam aliquid superaddere ut placeant viris*: ubi S. Th. permittit ornatum ob solam pulchritudinem. Ratio est, quod natura dederit fœminis pulchritudinem in fomentum conjugalis amoris, ergo juxta suum statum possunt illam desiderare, & procurare etiam arte secluso excessu, ut viris placeant, aut commodos nanciscantur, finis enim hic est honestus.

R 3

Re-